

HBO Latino, cu tremendo documentario riba Museo Numismatico Aruba




<<Desiree Croes, Directora Museo Numismatico>>

ORANJESTAD (AAN): For di siman pasa, televi-dentenan rond mundo por mira na HBO Latino un tremendo documentario cu ta dura un promedio di 15 minuut relaciona cu nos dushi isla.

Tocante e excelente trabao aki, nos a tuma contacto cu Desiree Croes, Directora di Museo Numismatico, kende a duna di conoce cu esaki ta un programa cu a ser graba algun tempo pasa door di un grupo di productornan amateur cu a bin Aruba y a entrevist'e cu e meta di traha un documentario y asina participa den un concurso.

Ta asina cu e comunicador-nan a gana e concurso y di e forma aki nan a haya e chens di pasa nan trabao durante un luna largo na HBO Latino den un programa cu yama "Expediciones Latinoamerica 2006".

Loke DIARIO a tende e dianan aki ta cu e documentario ta excelente y cu ademas di ta un bon propaganda pa Aruba, esaki ta focus riba e historia di Museo Numismatico Aruba y su fundador Sr. Juan Mario Odor (qepd); historia di nos placa, entre otro topiconan hopi interesante.



No tin duda cu e imagen di Aruba lo worde poni na

halto henter e luna aki ya cu e documentario ta tremendo.

Si bo tin chens di wak'e, no perde. E ta hopi bon!